



الشاعر
طه إبراهيم

الجندي

هيه هيه روح عفوية
نفس روح السبعينات
الإرادة والتحدي والثبات
نفس روح السبعينات
الكرامة والشهامة والعادات
جندي واقف ع الحدود
بالعيون.. الساهرات
جندي واقف ع الحدود
صوته عالي بالآيات
جندي واقف ع الحدود
أي خطوه إبداعات
لما يفرح كان يكبر

صوته أقوى م الدانات
فوق حدوده الشمس طله
تحكي ياما كثير حجات
تحكي قصة شعب ضحي
بالليالي.. والساعات
تحكي قصة شعب ضحي
قلبه خايف ع البنات
ع الولاد.. الطيبين
ع الطيور.. السابحات
ع الكنائس ع الجوامع
ع العيون.. الباكيات
لجل مصر تكون سعيدة
شوفنا أكبر معجزات
لجل مصر تكون أبيه
صوتها عالي ف الساحات
لجل مصر تكون صبية
بالعيون.. الساحرات
لجل أختي لجل أخويا
إلي ضحي واللي مات
وإلي عاشق لون ترابها
وإلي جبهها من شتات

هو مصري لونه قمحي
ف الطبيعة والسمات
كان بيحلم تبقي جنة
أرض فيها المعجزات
لما نور الله تجلي
جه نبينا ف الميقات
لما نور الله تجلي
ع الجبال الراسيات
يعني سينا أرض طاهرة
فيها كل الذكريات
قوم يا مصري ارمي بذرة
تبقي شجرة بالمئات
قوم يا مصري اسقي زرعك
تبقي جنة ف الواحات
قوم يا مصري احمي نفسك
من جميع المهلكات
شوف جنودنا إزاي بواسل
زي جيل السبعينات
إلي طهر وإلي عمر
وإلي حقق معجزات